

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијски савјет*

**MIŠLJENJE**

**Po zahtjevu privrednog subjekta Delhaize „The Lion“ Nederland B.V., Rotterdam,  
Kraljevina Nizozemska o obavezi podnošenja prijave koncentracije**

**Sarajevo  
april, 2011. godine**



Broj: 01-26-7-02-1-I/11  
Sarajevo, 23. mart 2011. godine

Na osnovu člana 25. stav (1) tačka f) Zakona o konkurenciji ("Službeni glasnik BiH" 48/05, 76/07 i 80/09), a po Zahtjevu privrednog subjekta Delhaize „The Lion“ Nederalnd B.V., Martinus Nijhofflaan 2, 2624 ES Delft, Rotterdam, Kraljevina Nizozemska zastupanom po advokatici Nedžidi Salihović, Fra Anđela Zvizdovića 1/x, 71000 Sarajevo, Bosna i Hercegovina, zaprimljenog od strane Konkurencijskog vijeća dana 10. marta 2011. godine pod brojem 01-26-7-02-I/11, Konkurencijsko vijeće, na 11. (jedanaestoj) sjednici održanoj dana 23. marta 2011. godine, je donijelo

### **MIŠLJENJE**

Privredni subjekt Delhaize „The Lion“ Nederalnd B.V., Martinus Nijhofflaan 2, 2624 ES Delft, Rotterdam, Kraljevina Nizozemska, zastupan po advokatici Nedžidi Salihović, Fra Anđela Zvizdovića 1/x, 71000 Sarajevo, Bosna i Hercegovina (u daljem tekstu: Podnosilac zahtjeva ili THE LION), podnio je Konkurencijskom vijeću Zahtjev za izdavanje mišljenja (u daljem tekstu: Zahtjev), zaprimljen dana 10. marta 2011. godine, pod brojem: 01-26-7-02-I/11.

Podnosilac zahtjeva traži mišljenje Konkurencijskog vijeća da li koncentracija između privrednog subjekta THE LION i privrednog subjekta „Delta Maxi“ d.o.o. Beograd, Takovska 49., 11000 Beograd, Republika Srbija (u daljem tekstu: DELTA MAXI) podliježe obavezi prijave koncentracije, u smislu Zakona o konkurenciji ("Službeni glasnik BiH" br. 48/05, 76/07 i 80/09) (u daljem tekstu: Zakon).

Podnosilac prijave u Zahtjevu je naveo:

- da učesnici koncentracije, privredni subjekt THE LION i privredni subjekt DELTA MAXI, imaju preko 100 miliona KM godišnjeg prihoda na svjetskom tržištu u 2010. godini, i ispunjavaju uslov iz člana 14. stav (1) tačka a) Zakona;
- da privredni subjekt THE LION nema povezanih privrednih subjekta u Bosni i Hercegovini, niti ostvaruje prihode od prodaje roba i usluga na tržištu Bosne i Hercegovine;
- da je privredni subjekt DELTA MAXI prisutan na tržištu Bosne i Hercegovine preko privrednog subjekta „Delta Maxi“ d.o.o. Banja Luka, Branka Popovića 115., 78000 Banja Luka i njegovog povezanog društva „Market 99 Plus“ d.o.o. Trebinje;
- da je privredni subjekt DELTA MAXI u Bosni i Hercegovini, u 2010. godini, ostvario ukupan prihod veći od 8 miliona KM, te da prema procjeni ima oko 4% udjela na relevantnom tržištu Bosne i Hercegovine;

Obaveza prijave koncentracije privrednih subjekta, u smislu odredbe člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom nivou iznose 100 miliona KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta učesnika koncentracije ostvaren prodajom roba i /ili usluga na tržištu Bosne i Hercegovine iznosi najmanje 8 miliona KM, ili ako je zajednički tržišni udio učesnika koncentracije na relevantnom tržištu veći od 40,0%.

Na osnovu dostavljenih podataka, Konkurencijsko vijeće smatra da učesnici koncentracije ne ispunjavaju kumulativne uslove iz člana 14. stav (1) tačka a) i b) Zakona, te ne postoji obaveza prijave koncentracije.

Ovo mišljenje je dato isključivo na osnovu podataka iz Zahtjeva, te ukoliko ovi podaci odstupaju od navedenih ovo mišljenje se ne može primijeniti.

**Predsjednik**

**dr. Stjepo Pranjić**